



АВЛИГА БА ЖЕНДЭРИЙН АСУУДЛААР СУДАЛГАА ХИЙХ СУДАЛГААНЫ БАГ СОНГОН ШАЛГАРУУЛАХ ЗАР

Байгууллага: Авлигатай тэмцэх газар, Олон улсын эрх зүйн хөгжлийн байгууллага

Төсөл: “Монгол Улсын институцийн шударга, ил тод байдал” (2021-2024)

Материал хүлээн авах хугацаа: 2023 оны 12 дугаар сарын 6-ны өдрийн 18.00 цаг

Ажил гүйцэтгэх хугацаа: 7 сар

ОЛОН УЛСЫН ЭРХ ЗҮЙН ХӨГЖЛИЙН БАЙГУУЛЛАГА

Олон улсын эрх зүйн хөгжлийн байгууллага (ОУЭЗХБ) нь энх тайван, шударга ёс, тогтвортой хөгжлийг дэмжин, эдийн засгийн боломжийг нэмэгдүүлэх, хууль дээдлэх ёсыг бий болгохын төлөө хууль эрх зүйн салбарт шинэчлэл хийх, байгууллагын чадавхыг бэхжүүлэхэд улс орнуудын засгийн газар болон олон нийтийн эрх зүйн ойлголт, мэдлэгийг нэмэгдүүлэн, ажилладаг засгийн газар хоорондын олон улсын байгууллага юм. ОУЭЗХБ-ын талаарх дэлгэрэнгүй мэдээллийг цахим болон твиттер хуудас (www.idlo.int, Twitter @IDLO)-наас авна уу.

ТӨСЛИЙН ЗОРИЛГО, ЗОРИЛТУУД

ОУЭЗХБ-ын Монгол дахь Суурин төлөөлөгчийн газар нь АНУ-ын Засгийн газар Төрийн Департаментын дэргэдэх Олон улсын хар тамхи, мансууруулах бодистой тэмцэх, хууль сахиулах товчооны санхүүжилтээр “Монгол Улсын институцийн шударга, ил тод байдал төсөл”-ийг хэрэгжүүлж байна. Төслийн хүрээнд Авлигатай тэмцэх газар (АТГ), Улсын ерөнхий прокурорын газар (УЕПГ) болон Олон нийтийн зөвлөлийн чадавхыг бэхжүүлэх, томоохон авлигын хэрэгтэй тэмцэх чиглэлээр холбогдох талуудын хамтын ажиллагаа, зохицуулалт, үялдаа холбоог сайжруулахад олон талт, ажил арга хэмжээг хэрэгжүүлнэ. Төсөл нь гурван бүрэлдэхүүн хэсэгтэй. Үүнд: i) АТГ, УЕПГ болон хууль зүйн салбарын холбогдох байгууллагын авлигын хэргийг мөрдөн шалгах үр чадварыг нэмэгдүүлсэн байна; ii) Авлигаас урьдчилан сэргийлэх иргэний хяналтыг сайжруулсан байна; iii) Авлигын эсрэг НҮБ-ын конвенцын хэрэгжилт, АТГ-ын Авлигатай тэмцэх үндэсний хөтөлбөрийг боловсруулахад дэмжлэг үзүүлсэн байна. Төслийн талаарх дэлгэрэнгүй мэдээллийг <https://bit.ly/3sOz22O> холбоосноос авна уу.

ЗӨВЛӨХ БАГИЙН АЖЛЫН ХҮРЭЭ, ДААЛГАВАР

Зөвлөх баг /2-3 хүртэл гишүүнтэй байх/ нь ажлын даалгаварт заасны дагуу авлига ба жендэрийн холбоо хамаарал, авлига дахь жендэрийн хэв шинжийг харуулсан судалгааг хийнэ. Энэ чиглэлээр хийгдсэн ижил төстэй дотоод, гадаадын судалгаа, баримт бичиг, мэдээллийг цуглуулж, дүн шинжилгээ хийнэ. Төслийн гол хамтрагч буюу АТГ-ын Судалгаа, шинжилгээний алба болон ОУЭЗХБ-ын Хөтөлбөрийн менежертэй зөвшилцөн судалгааны хүрээ, арга зүй, асуумжийг боловсруулна. АТГ-ын Судалгаа, шинжилгээний албатай хамтран уулзалт, хэлэлцүүлэг хийх, мэдээлэл цуглуулах, судалгааны тайлан боловсруулах ажлуудыг гүйцэтгэнэ. Судалгааны баг нь ажлын даалгаврын дагуу Хөтөлбөрийн менежер, Суурин төлөөлөгчийн удирдлага дор дараах үндсэн ажлыг гүйцэтгэнэ:

- Авлига ба жендэрийн чиглэлээр хийгдсэн дотоод, гадаадын судалгаа, баримт бичгийн судалгаа хийх, дүн шинжилгээ хийх;
- Ажлын төлөвлөгөө, урьдчилан судалсан мэдээлэлд хийсэн судалгааны дүн, судалгааны хүрээ, арга зүй болон зорилго, зорилтыг санал болгон, эхлэлтийн тайланг хүргүүлэх;

- Судалгааны хүрээ, арга зүй, судалгааны асуумжид АТГ, ОУЭЗХБ-аас санал авч, эцэслэх;
- АТГ-ын Судалгаа шинжилгээний албатай нягт хамтран ажиллаж, саналыг тухай бүр тусгах;
- Судалгааны тайланг Монгол, Англи хэл дээр боловсруулж, хугацаанд нь хүргүүлэх;
- Судалгааны үр дүнг 2-3 удаагийн уулзалт, хэлэлцүүлгээр танилцуулах;
- Гүйцэтгэлийн тайланг Монгол хэл дээр боловсруулж хүргүүлнэ.

ЗӨВЛӨХ БАГИЙН ГИШҮҮДЭД ТАВИГДАХ ШААРДЛАГА

Хувь зөвлөх нь дараах үр чадварыг эзэмшсэн байна:

- Нийгмийн ухаан, социологи, эрх зүй, жендэр болон холбогдох чиглэлээр магистраас дээш зэрэгтэй;
- 5-аас доошгүй жил хөгжлийн чиглэлээр тоон мэдээлэл цуглуулах, анализ хийх, судалгааны тайлан боловсруулсан туршлагатай;
- Авлига, жендэр болон нийгмийн хөгжлийн асуудлаар судалгаа хийсэн туршлагатай;
- Монгол, Англи хэлний бичгийн болон ярианы өндөр мэдлэгтэй;
- Багаар ажиллах чадвартай, харилцааны өндөр соёлтой байх.

Ажлын даалгаварт тусгасан бүх ажил буюу орчуулах, судалгааны материалуудад дүн шинжилгээ хийх, тайлан боловсруулах гэх мэт бүх зардлыг багтаан нийт үнийн дүнгээр нэг гэрээг байгуулна.

ОУЭЗХБ нь төсөл хэрэгжүүлэх явцад тулгарч болзошгүй аливаа эрсдэлээс сэргийлэх зорилгоор бүх талуудтай зөвлөлдсөний үндсэн дээр Ажлын удирдамжид өөрчлөлт оруулах эрхтэй.

БҮРДҮҮЛЭХ МАТЕРИАЛ

- Сонирхлоо илэрхийлсэн албан бичиг/хүсэлт
- Багийн гишүүдийн товч намтар, анкет
- Судалгаа, шинжилгээний чиглэлээр үйл ажиллагаа явуулсан туршлагын талаарх мэдээлэл, судалгааны ажлын жагсаалт

Сонирхсон судалгааны баг материалаа 2023 оны **12 дугаар сарын 6-ны** дотор ujargalan@idlo.int цахим хаягт ирүүлнэ үү.

